

զամբաստանութիւնս զՄինաս վարդապետէ՝ բանիւ Աւետիք վարդապետի, ընկեց զՄինաս 'ի Պատրիարքութենէ Երուսաղէմի, եւ կացոյց 'ի տեղի նորա զնոյն ինքն զԱւետիք հրովարտակաւ Արքայի, դրեալ 'ի ԿՕ Սէֆէր ամսոյ՝ ԿՂԶ (1701): Մատոյց Աւետիք 'ի դանձն զպատրիարքական տուրս 11,900 փողս: Յետ միաւորելոյ Աւետիք վարդապետի զԻշխանութիւն երկուց Պատրիարքական Աթոռոց, էառ հրովարտակ եւ ոստիկան Արքունուստ եւ կարդեաց զկարապետ ոմն անուն փոխանորդ 'ի զխմաց իւրոց, եւ առաքեաց զնոսա յԵրուսաղէմ, դրեալ գիր սոս Մինաս պապա տեղակալ. զի 'ի հասանիլ նոցին անդր, կալեալ զՄինաս վարդապետ՝ միայն հանդերձիւն, զոր զդեցեալն էր, դիցեն շղթայիւք 'ի բանտի եւ մի թողցեն առնուլ ինչ յԱթոռոյ, եւ ճշդութեամբ տեսցեն ընդ նմա զհաշիւն. եւ յետ այնորիկ ինքն տեսցէ զդատաստան նորին. զի իբր թէ հայհոյեալ իցէ նա զՍ. Հայրապետսն: Նոյնպէս առնել եւ զհամախոհս նորին, որք կոչին Ախարհայ, եւ հաւատով Մինաս վարդապետի քաղկեդոնիք, եւ արկանել 'ի բանտ ըստ հրամանի Արքային. զի եթէ փախիցէ, եւ կամ ոյլ չար ինչ սպառահեցի, ինքն լիցի պատասխանատու: Իսկ 'ի միաբանաց՝ որք ճշմարիտ ուղղափառք իցեն եւ հաւատովն Լուսաւորչի, ունել զնոսա 'ի պատուի. զի առեալ է իմ ասէ հրովարտակ վասն քննութեան հերձուածողութեանց նոցա: Ապա պատուիրէ քննել եւ ծանուցանել զլիճակ Աթոռոյն եւ եկեղեցական զարդուց. զի լուեալ էր ինքն՝ թէ Մինաս վարդապետ զԻշխատակս վանաց տարեալ 'ի Կոստանդինուպօլիս բաժանեալ է փոխանորդաց իւրոց: Եւ զՅՕ քսակ պարտս, զոր առեալ է 'ի Հրէից՝ կնքով Աթոռոյն, դարձուցանել յետս. եւ զհաշիւն, որ 'ի ժամանակի Յովհաննէս վարդապետի Նոխութձի կոչեցելոյ. յորում ել յԱթոռոյ գնալ յարեւելս, քանի՞ քսակ դրամոց առեալ իցէ, եւ քանի՞ բեռինս կարասեաց բարձեալ իցէ. զորս տարեալ ասէ յէջմիածին, նոքօք բազմացոյց զվէճս եւ զխռովութիւնս. եւ թէ ո՞րպէս վաճառեաց զտեղի խանին որ 'ի Յուպէ. եւ զվանքն Իւսկիւտարու, եւ զայլ վրնասս: Զի՞նչ առեալ է եւ զի՞նչ նուաղեցուցեալ. յո՞ր վայր թագուցեալ է եւ կամ տուեալ զբրամս վանաց, հանել 'ի